

GRUFFYDD, THOMAS (1815 - 1887), un o delynorion enwocaf ei gyfnod

Enw: Thomas Gruffydd
Dyddiad geni: 1815
Dyddiad marw: 1887
Plentyn: Susannah Berrington Gruffydd Richards (née Gruffydd)
Rhyw: Gwryw
Galwedigaeth: un o delynorion enwocaf ei gyfnod
Maes gweithgaredd: Cerddoriaeth; Perfformio
Awdur: Ray Looker

Ganwyd yn Llangynidr, sir Frycheiniog, yn w r i reithor y plwyf. Dysgwyd ef gan [John Wood Jones](#), ac er iddo golli ei olwg yn ifanc nid amharodd hynny ar ei ddawn. Aeth yn delynor i deulu Llanofar, sir Fynwy; gweithiai wrth ei dyddyn yn ogystal â dal y swydd hon a chwarae'r delyn a chanu penillion ar hyd sir Fynwy a Morgannwg. Enillodd delyn deir-res eisteddfod y Fenni, 1836, a bu'n gydradd â [Richard Mills](#), Llanidloes, ar gyfansoddi 'tôn yn ôl dull arferedig peroriaeth yn y Dywysogaeth.' Aeth gyda'i athro i chwarae yn Buckingham Palace yn 1843, a [T. Price](#) ('Carnhuanawc') gyda hwy. Chwaraeodd Gruffydd nifer o weithiau yn Marlborough House, Llundain, hefyd. Yn 1867 ymwelodd â Llydaw; arhosodd gyda'r Comte de la Villemarqué, g r a fedrai Gymraeg, ac anrhegwyd Gruffydd â modrwy i ddathlu ei arhosiad yno. Cyhoeddwyd ei gân, ' Gwlad y Bardd.' Bu farw 30 Awst 1887, yn ei gartref, T 'n-yr-eglwys, a chladdwyd ef ym mynwent yr eglwys yn Llanofar.

Awdur

Ray Looker

Ffynonellau

H. Blackwell, [NLW MSS 9251-9277A: A Dictionary of Welsh Biography](#)

Oxford Dictionary of National Biography

Y Geninen, 1888, 189

Notable Welshmen (1700–1900) (1908)

Darllen Pellach

Amgueddfa Cymru: [53.48.1: Tunic worn by Thomas Gruffydd \(1815-1887\)](#)

Dolenni Ychwanegol

Wikidata: [Q18577073](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

